

1. **ZEDA- Agencija za ekonomski razvoj ZEDA Zenica, ulica: Školska br. 4 koju zastupa direktor Muhsin Ibrahimagić (u daljem tekstu: ZEDA)**
2. **RAZ – Razvojna agencija Zavidovići, Omladinsko naselje bb, 72220 Zavidovići, koju zastupa Sakib Sinanović, direktor (u daljem tekstu: „RAZ“)**
3. **TRA - Agencija za razvoj općine Tešanj "TRA"d.o.o. Tešanj, Trg Alije Izetbegovića 11, koju zastupa Hilmo Perčo, direktor u daljem tekstu TRA d.o.o. Tešanj**
4. **RAŽ - Razvojna agencija Žepče, sa sjedištem u Žepču, Ulica Prva bb koju zastupa Branka Janko, direktor (u daljem tekstu: "RAŽ ") i**

u daljem tekstu " sporazumne strane", potpisale su u Žepču dana 05.07.2011. slijedeći

S P O R A Z U M

O FORMIRANJU MREŽE LOKALNIH RAZVOJNIH AGENCIJA

Član 1.

Ovim sporazumom uspostavlja se regionalna Mreža lokalnih razvojnih agencija (u daljnjem tekstu Mreža), čiji su osnivači:

- Agencija za ekonomski razvoj ZEDA,
- Razvojna agencija Zavidovići (RAZ),
- Agencija za razvoj općine Tešanj (TRA),
- Razvojna agencija Žepče (RAŽ),

Član 2.

STATUS MREŽE

- Mreža je neformalna organizacija lokalnih razvojnih agencija, koja povezuje postojeću lokalnu i regionalnu infrastrukturu za lokalni ekonomski razvoj.
- Djeluje na području Zeničko-dobojskog kantona i Srednjobosanskog kantona.

Član 3.

OSNOVNI PRINCIPI DJELOVANJA

- Mreža djeluje kao nestranačka i neprofitna organizacija,
- Mreža je u svom djelovanju nezavisna i samostalna u odnosu prema predstavnicima vlasti,
- Rad Mreže je javan, a proces donošenja odluka i ukupno upravljanje zasniva se na načelima demokratičnosti i transparentnosti,

Član 4.

CILJEVI I DJELATNOSTI

- Mreža slijedi principe otvorenosti, odgovornosti i razmjene znanja i kapaciteta među članicama.
- Članice su spremne i otvorene za učenje, razvoj, promjene, međusobnu suradnju i suradnju s sudionicima držeći se svojih organizacijskih vrijednosti/principa i poštujući vrijednosti i principe drugih sudionika.
- Članice su odgovorne prema dogovorenim načelima rada i suradnje kao i preuzetim obvezama; radi međusobnog jačanja i ostvarivanja ciljeva mreže članice razvijaju i razmjenjuju znanja i kapacitete.
- Odnosi među članovima Mreže počivaju na međusobnom razumijevanju i dijalogu, uvažavanju razlika u mišljenjima, kreativnom rješavanju sporova i nesporazuma i izgradnji konsenzusa,
- Mreža u svom radu surađuje s različitim nacionalnim i međunarodnim sudionicima uključujući druge lokalne razvojne agencije, organizacije civilnog društva, javne ustanove i tijela, gospodarstvo i medije.

Član 5.

U svrhu ostvarenja ciljeva Mreža obavlja sljedeće aktivnosti:

- razvoj i provedba zajedničkih projekata članica mreže
- prikupljanje i razmjena informacija među članicama,
- razvijanje standarda edukacija u području lokalnog ekonomskog razvoja
- zagovaranje i lobiranje za unaprjeđenje i primjenu pravne regulative koja se odnosi razvoj i promocija dobre prakse u području LER-a
- razmjena iskustava, znanja, vještina, dobre prakse i informacija (posebno publikacija) stečenih kroz različite aktivnosti i projekte;
- partnerski odnosi i timsko učešće u aktivnostima i projektima koje financira EU;
- osnaživanje razvoja lokalnih resursa u cilju poboljšanja života građana.
- izdavaštvo
- prikupljanje sredstava za ostvarenje ciljeva mreže
- međusektorska suradnja
- međunarodna suradnja

Član 6.

Partnerska suradnja Osnivača

Članovi Mreže ostvaruju partnerski odnos i pokreću zajedničke aktivnosti na institucionalnom rješavanju zajedničkih i pojedinačnih problema lokalnih razvojnih agencija, izradi strateških dokumenata za lokalne razvojne agencije, definiranje zajedničkih pravaca djelovanja i nastup prema državnim organima vlasti i međunarodnim organizacijama, izrada zajedničkih projekata kojim se doprinosi konkurentnosti područja djelovanja članova Mreže.

Članovi Mreže su suglasni da se pitanja područje djelovanja, unutarnji ustroj, ciljevi i djelatnosti, način i ostvarivanje javnosti rada, zastupanje, članstvo u mreži, tijela mreže i druga pitanja važna za funkcioniranje mreže i ostvarivanje zajedničkih ciljeva članica Mreže urede Statutom Mreže koji će se naknadno donijeti i usvojiti od strane osnivača Mreže.

Članovi Mreže će osigurati točnost i pravovremenost u međusobnoj razmjeni aktualnih informacija, a koja će se prioritetno vršiti putem interneta (prvenstveno ažurnim web stranicama).

Član 7.

Odgovornost Osnivača-potpisnika :

- aktivno učestvuje/sudjeluje u izradi strateških dokumenata razvoja Mreže
- učestvuje/sudjeluje u izradi projekata koji su od značaja za razvoj Mreže
- doprinosi kvalitetnoj promociji Mreže,
- učestvuje/sudjeluje u sufinanciranju rada Mreže, u skladu sa Akcionim planom rada Mreže

Član 8.

Koordinacija rada Mreže:

Mrežom upravlja Upravni odbor Mreže. Upravni odbor čine predstavnici članova Mreže.

Upravni odbor donosi odluku o izboru organizacije koordinatora Mreže. Upravni odbor može donositi odluke samo ako su zajedno prisutni predstavnici Agencija. Sve odluke se donose konsenzusom. Pitanja za koja ne bude postignut konsenzus bit će delegirana ugovornim stranama, koje pregovorima trebaju postići sporazum.

Radom Mreže koordinira jedna lokalna razvojna agencija, punopravni član mreže, u razdoblju od 1 (jedne) godine.

Zadaće koordinatora Mreže:

- koordinira aktivnosti Mreže
- saziva sastanke Upravnog odbora
- arhivira dokumentaciju Mreže
- administrira internet stranicu Mreže

Uloga koordinatora može prestati i prije isteka jedne godine;

- iskazom volje organizacije koordinatora
- ukoliko organizacija koordinator ne ispunjava preuzete obaveze

Član 9.

Povjerljivost

Članovi Mreže se slažu da će poštivati principe povjerljivosti.

Informacije prema trećim licima ne smiju se davati bez prethodne suglasnosti ostalih članova.

Član 10.

Rješavanje spora

Članovi se slažu da sporazumno rješavaju sve eventualne sporove kao i pitanja koja se mogu pojaviti, a nisu prethodno definirana.

Član 11.

Ovaj sporazum je otvoren za sve lokalne razvojne agencije koje nisu prvobitno potpisnice sporazuma, a koje prihvaćaju odredbe Statuta Mreže.

Član 12.

Ovaj sporazum sačinjen je u 8 (osam) istovjetnih primjeraka, od kojih svaka sporazumna strana zadržava po 2 (dva) primjerka.

Član 13.

Ovaj Sporazum stupa na snagu danom potpisivanja organizacija osnivača Mreže Lokalnih razvojnih agencija Regije Centralna BIH.

Odgovorno lice

Branka Janko

Odgovorno lice

Muhsin Ibrahimagić

Odgovorno lice

Sakib Sinanović

Odgovorno lice

Hilmo Perčo